



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 11. De Hymno triumphali, Sanctus, Sanctus, Sa[n]ctus.

[urn:nbn:de:hbz:466:1-47105](#)

386 SPECVLVM ECCLESIA STICORVM,
quæ verba D. Augustinus sacro eloquentiæ fonte:

In Ps. 70. *Quid est, inquit, tota die? sine intermissione: in prosperis, quia consolaris; in aduersis, quia corrigeris; antequam essem, quia fecisti; cum essem, quia salutem dedisti; cum peccasset, quia ignouisti; cum conuersus esses, quia adiuuisti; cum perseverasset, quia coronasti.* Hæc S. Doctor, ex quo conficis semper, & ubique insonare debere Dei laudes; quæ ut gratiores accident æterno Patri, primùm eum rogamus per Filium per Christum mediatorem nostrum, idque exemplo beatorum spirituum, Angelorum, Archangelorum, Dominationum, Potestatum, que paudent, & tremunt ad nutum eius, cum quibus & nos pusilli mortales, lutea vasa, vota, precesque iungimus, ut in terris simus quod Angeli, & beatæ mentes in coelis: superorum ciuium concentores, & diuinis in laudibus æmuli, & hæc ipsa sunt, quæ docet Præfatio.

§. II.

*De hymno triumphali Sanctus, Sanctus,
Sanctus.*

C. 6. **S**cinditur ille hymnus duas in partes. Vna Angelos, beatos illos spiritus authores amat, quos Isaias in alto mentis excessu audiuit acclaimantes augustum illud, & sacro sanctū acroama. *Sanctus, Sanctus, Sanctus, Dominus Deus exercituum: Deus inquam exercituum, quod terrori seruit, ac maiestati.*

stati. Altera piorum hominum inuentum est; petiturque è solemnī cantico puerorum Hebræorum Christo triumphalem in modum accinentium.
Osanna in excelsis.

De hac vocula *Osanna*; aliqua est inter Doctores controvērsia.

Euthymius, & Theophylactus volunt *Osanna* significare Dei laudem, in quam vna cum superis mentibus excedit Sacerdos.

Chrysostomus, Hieronymus, Damasus *Osanna* Dei gloriam interpretantur.

D. Ambrosius, & Hilarius credunt vocem *Osanna* significare redēptionem domus Dauid: eam nimirum vel maximè expetebant, qui Christo occurrentes lāti inclamabant *Osanna filio Dauid*. Hæc est illorum Authorum de vna voce lis, ac contentio: in qua postremam sententiam magis probō: ut *Osanna* sit vox composita, ex *Hosa* id est saluum fac, & na, quæ est interiectio obsecrantis, quasi dicat: *salua obsecro*: ô fili Dauid, qui resides in altissimis cœli verticibus.

Iuuat hic annexere quod D. Chrysostomus in Missa à se composita instituit, vt Sacerdos illis verbis *Sanctus, Sanctus, Sanctus* hæc subijceret. Nullus ^{In ritu} eorum qui carnalibus cupiditatibus, & ^{Missa} voluptatibus ^{Grecæ} est alligatus, dignus est ad te accedere, & vel tibi ministrare, Rex gloriae, tibi enim ministrare ma-

388 SPECVLVM ECCLESIASTICORVM,
gnum est, & ipsi cœlestibus potestatibus terrible.

His duo potissimum innuit, & ore aureo commendat vir sanctus; Primum insignem animi, corporisque munditiam, qua quisquis caret, næ ille dignissimus est, qui corpus Domini contrectet; næ ille Iudæis ipsis deterior; ut enim D. Hieronymus. *Perfidus Iudæus, perfidus Christianus*, ille de latere, iste de calice sanguinem Christi fundit. *Sanctus Joseph puris manibus Corpus Domini baulavit, iste vero pollutis manibus, & quibus paulo ante mulieris corpus tractauit, salutem hominum tangit, & recipit ore, quo paulo ante basia meretrici impressit*, ille qui fuerat Christi membrum, tollit membrum Christi & facit membrum meretricis. Quod quantum sit scelus nemo non videat, nisi qui mente penitus fuerit destitutus.

Alterum quod paucis attingit, est reuerentia quædam singularis, & sacer honor, quo tangi, percellique debet, qui aris, & sacrificio assistit. Satis conscientius quam exacta muneris obiti reddenda sit ratio: quam mirum quantum apprehendunt viri, & ingenio, & sanctimonia illustres, quos inter magister Auila à pulpito, sacraque dicendi facultate suo æuo notissimus, de quo hoc dignum omni memoria referri solet.

Cum ei inter familiare colloquium narraret unus aliquis, Sacerdotem recens ordinatum, intempe-
stiu,

stiuia, & immatura morte obiisse, vt pote in primo adolescentiae flore, quem cæca, & præpropera fata demessuerant; percunctatus est illicò, an aliquando sacrificasset: respondenti vero, *semel dumtaxat,* statim subdidit pius Ecclesiastes, *multum defert ad Iudicem.*

Si ex eo quæsieris quod illud *multum*, audies, vel semel sacrificium incruentum Deo immortali obtulisse, hoc enim uero multum est, & immensi apud superos ponderis, quod aliquando tandem in ultimo foro, seueræ summi Iudicis libræ supponetur, seueram appello libram illius tribunalis, quia sacra est, & sacrificij munijs ponderandis designata.

Scriptura teste, & interprete diuinæ mentis, libra sanctuarij multo maior erat libra vulgi; imò hanc illa tota medietate excedebat; adeo ut ea, qua in foro, & ad usus profanos vtebantur, si integra esset, & unius pondo, præ illa sanctuarij medium dumtaxat pondo contineret.

Videtur enim hæc æquitatis, & iuris esse ratio, vt Sacerdotum virtus, ac sanctitas, vulgi mores, ac sanctimoniam etiam duplo supereret, atque excedat: vel ob id unum, quod in sacras aras, & sanctuarium admissi Deo authori suo litent, & hoc ipsum tanquam immensi ponderis ad Iudicem suum deferaunt.

Quod velim æqua lance metiri velit quisquis

390 SPECVLVM ECCLESIASTICORVM,
in dies singulos augustinam , diuinamque Deo ho-
stiam immolat : si enim qui vel semel tantum id
fecerit ; tamen is multum defert ad Iudicem , quan-
tum necessum est eum , cui superum , cœlique fauor ,
atque indulgentia diebus omnino singulis id con-
cesserit . Certè si is esse velit , qui debet , sit ille ter-
sanctus , qui cum Seraphinis Deo opt . max . San-
ctus , Sanctus , Sanctus inclamat .

§. 12.

*De nomine , Authore , & sacro silentio
Canonis .*

VT omnia propè sacrificij nomina , muniaque
petulanti voce impetierint hæretici : maxi-
mè tamen sacrum Missæ Canonem , quem vt ma-
ledicentiae , calumniarumque suarum veluti sco-
pum statuerunt .

Lutherus ad vinum , & pocula disertus , ebria vt
alias lingua , multa scommata in Canonis nomen
effutit , atque euomit . Primum in libro de abrogan-
da Missa , de eo ita loquitur . *Quanquam habeam*
quod pro falso Canonis sensu dicere possim , ut alias
feci , tamen nunc non dignor eum tali honore : vtque
non ore tantum id profiteri , sed re etiam ipsa fecisse
videatur , insanos , blasphemos , impios iocos in il-
lum iacit , atque euibrat . Maximè verò libro de abo-
minatione Canonis , ubi malus orator rem ita ex-
aggerat ,